

Kasanoak a Makipatang iti Mangipapaay ti Pannaripato iti Salun-atko maipanggep iti Saan nga Aktibo a Sarut (TB)?

Pannarabay iti Pannakipatang para kadagiti Pasiente

Mabalin nga agbiag dagiti mikrobio ti sarut (TB) iti uneg ti bagim iti adu a tawen a saan a mangparparnuay kadagiti sintomas. Maawagan daytoy kas saan nga aktibo a TB wenno latent nga impeksion ti TB. Posible nga agbalin nga aktibo a sakit a TB ti saan nga aktibo a TB iti aniaman nga oras ken pakaigapuan tapno agsakitka. No agbalin nga aktibo a sakit a TB ti saan nga aktibo a TB, mabalin a maiyakar daytoy iti sabali a tao babaen iti angin. Ti panangirugi ti pannakipatang iti doktormo ti umuna nga addang tapno masaluadam ti pamiliam, dagiti gagayyemmo, ken komunidadmo manipud iti daytoy makaakar la unay a sakit.

Adda ditoy ti sumagmamano a singasing para ti pannakipatangmo iti mangipapaay ti pannaripato ti salun-atmo maipanggep iti saan nga aktibo a TB bayat ti sumaruno a panagbisitam.

1 Panunoten Pagpatangan ti Peggadmo

Ti TB ket maysa a kangrunaan a pakaigapuan ti pannakatay iti sangalubungan, ken adu unay a tattao ti agsagsagaba latta iti TB iti Estado Unidos. Adda sumagmamano a banag a mangted ti peggad para iti TB isu a napateg a kapatangmo ti mangipapaay ti pannaripato ti salun-atmo maipanggep iti peggadmo.

Uray siasino ket mabalin a makaala iti TB, ngem nangatangto ti peggadmo iti TB no sika ket:



2

Eksamenen Panangawat iti Proseso ti Panageksamen

Adda dua a kita ti eksamen para iti impeksion ti TB. Kapatangmo ti mangipapaay ti pannaripato ti salun-at mo no ania nga eksamen ti kasayaatan para kenka.



Eksamen ti Dara para iti TB

Mabalin nga irekomendar ti mangipapaay ti pannaripato ti salun-atmo ti eksamen ti dara para iti TB gapu ta mabalin nga aramiden daytoy iti maysa a panagbisita, ken ad-adda nga umiso no nabakunaan ka para iti TB idi. Rukoden ti eksamen ti dara ti reaksion ti resistensia ti bagim kadagiti mikrobio a mangparnuay iti TB.



Eksamen ti Kudil para iti TB

Para iti eksamen ti kudil, mausar ti bassit a dagum tapno ikabil ti materiales ti panageksamen iti sirok ti kudil. Masapul nga agsublikanto iti mangipapaay ti pannaripato ti salun-atmo iti 2-3 nga aldaw tapno kitaenna no adda reaksion.

3

Agasan Pagpatangan dagiti Pagpilian a Panagagas

No naduktalan nga addaanka iti saan nga aktibo a TB, adda dagiti apagbiit ken nanam-ay a panagagas a makatulong a mangsaluad kenka manipud panagsakit iti aktibo a sakit a TB.

Adda ditoy ti sumagmamano a saludsod a damagem iti mangipapaay ti pannaripato ti salun-atmo maipanggep kadagiti pagpilian a panagagas:

- Ania dagiti benepisio ti panagpaagas para iti saan nga aktibo a TB?
- Maibasar iti wagas ti panagbiagko ken iti personal a pakasaritaan ti salun-atko, ania a panagagas ti irekomendarmo?
- Kasano kasansan a masapul a tomarek daytoy nga agas? Ken kasano kapaut ti panagtomarko iti daytoy?
- Ania dagiti bilbilin iti panagtomar iti daytoy nga agas?
- Ania dagiti madi nga epekto ti daytoy nga agas?
- Ania ti gatad ti daytoy nga agas? Bayadanto kadi ti segurok ti panagagas?
- Adda kadi pamuspusan iti komunidad a makasuportar kaniak iti plano ti panagagasko?



No awan ti panagagas, 1 iti 10 a tattao nga addaan iti saan nga aktibo a TB ti agsakitto iti masanguanan. Uray pay no nasalun-at ti panagriknam ita, posible nga agbalin nga aktibo a sakit a TB ti saan nga aktibo a TB ken pakaigapuan ti panagsakitmo.



Tapno maammuan ti ad-adu pay maipapan iti TB ken no kasanom a saluadan ta bagim ken ti dadduma, bisitaen ti www.cdc.gov/thinktesttreattb